

ՆԵՐՔԻՆ ԼՈՒՐԵՐ

—Ս. Էջմիածնի միաբան Հ. Սահակ Վ. Ամատունին պատ-
րաստել է բաւառաբառերի մի ընդարձակ բառարան, բազմաթիւ
մեկնութիւններով և օրինակներով: Աշխատութիւնը բոլորովին
աւարտուած է, ներկայացնում է լեզուագիտական հետա-
քրքրութիւն և պարունակում է մեծ պաշար հայ լեզուի
ուսումնասիրութեան համար:

—Հանգ. Ղուկասեանի յարգելի կտակակատարներն այս
օրերս արդէն յանձնեցին Վանքի եկեղեցու կրօնա-պատմական
թանգարանի մնայուն Յանձնաժողովին՝ թանգարանին կտակուած
քսանուէինգ հազար ուրբլին անցեալ տարիների բոլոր տոկո-
սիքներով, որից յետոյ թանգարանը կսկսէ արդէն իւր գործունէու-
թիւնը:

—Միւնխէնի համալսարանի փիլիսոփայութեան կանդի-
դատ՝ մեր աշխատակից պ. Յովհ. Բողիեան՝ Գերմանիայից վե-
րադառնալով այս օրերս ուղևորուեց իւր հայրենիք Շուշի,
ուսումնասիրելու տեղական աղէտի մանրամասնութիւնները:

ՆԱՄԱԿՆԵՐ ԽՄԲԱԳՐՈՒԹԵԱՆ

I

«Լումայ» ամսագրի յարգելի խմբագրութեան.

Գրեթէ մի ամբողջ տարի «Մշակ» օրթերթի մէջ յաճա-
խակի անարգական նամակներ ու հեռագրեր են լոյս տեսնում
Բեսարաբիոյ թեմի Սրբազան Առաջնորդի դէմ. Առիթն այդ
ստայօգ գրուածքների Թէոդոսիոյ Հերթեցեանց քահանան է, թէ
և այդ գրուածքները մերթ ք90 ստորագրութիւն, մերթ՝ Մխի-
թարեան, մերթ՝ Բաստամեան՝ ստորագրութիւններն են կրում.
սպասում էինք թէ ինքը՝ Թէոդոսիայի ժողովուրդը, Սրբազան
Սինօդը, որոնց գործի ամբողջ ընթացքը յայտնի է, ակեղցփեղ
զրպարտութիւններից կմաքրեն Սրբազան Ներսէս Արքեպիս-
կոպոսին, որ իւր անձնուէր ժողովրդասիրութեան համար
միայն շնորհակալութեան է արժանի: Սակայն նրանց լուրթիւնը
մի կողմից, ինչ որ Բաստամեանի մի անարգ նամակը միւս կող-
մից (տես «Մշակ» № 100) բարոյապէս ստիպում են մեզ առ
այժմ հակիրճ պատասխան տալ զրպարտիչներին:

Լեզուագար տէրտէրն ու համանիշ պարոնները աշխարհ են
լցնում թէ՛ Ներսէս Հերթեցեանը աննման քահանայ է, ժողո-
վրդասէր է, հէնց այդ բարեմասնութիւնների համար հալածւում
է և այլն և այնուհետև գալիս են մտացածին մեղադրանքներ
Ս. Առաջնորդի հասցէին:

Շատերից միայն մի քանի փաստեր շարենք այստեղ,
որոնք բաւական կլինին իբրև պատասխան անբարեմիտ մարդ-
կանց:

1. Սինօդը իր № 487 Ապրիլ 12-ի հրամանով գրում է
Բեսարաբիոյ Կոնսիստորիային թէ՛ որովհետև Թէոդոսիոյ քա-
ղաքի ծխականք բազմաստորագիր հեռագրաւ թախանձին
հեռացուցանել զՆերսէս քահանայն Հերթեցեանց ի քաղաքէն,
գիներալ-նահանգապետն կամի հեռացուցանել զքահանայն ի
պատճառս ֆէասակարութեան... ուստի՝ նախ՝ պատուիրէ թե
մակալ Առաջնորդի հեռացուցանել զքահանայն Ներսէս) և այլն:
Ուրեմն Հերթեցեանին տանել չեն կարողանում Թէոդոսիայի
ժողովուրդը, Առաջնորդը և Նահանգապետը: Հապա՞հւմ համար
է Հերթեցեանը:

2. Հերթեցեանը իւրացրել է Լուգանսկի համայնքի Ա-
ղօթատան դանգերի համար հաւաքած՝ 192 ռուբ.

3. Հերթեցեանը իւրացրել է հեռաւոր արևելքում վերա-
ւորուած զինուորների անունով հանգանակած «Կարմիր խաչի»
100 ռուբ:

4. Հերթեցեանը իւրացրել է Եալթայի եկեղեցու 500
ռուբլին:

5. Հերթեցեանը իւրացրել է Թէոդոսիոյ հայ կանանցից
հաւաքած մի գումար յանուն Բարեգործական ընկերութեան:

6. Հերթեցեանը թակել է տուել ժողովրդի ընտրեալ և
հաստատուած երեսփոխանին իւր ազգականի ձեռքով:

7. Հերթեցեանի նոյն ազգականը մեղադրուած է սպանու-
թեան փորձի մէջ Սիմֆերոպոլի Օգսենտիոս աւագ քահանայի
վրայ, որին հրամայուած էր քննել Երեսփոխին թակելու
դէպքը:

8. Հերթեցեանը օրինական Երեսփոխին դուրս է վճռուել
և իր կողմից եկեղեցու բանալիներն յանձնել իր նշանակած
Երեսփոխանին, իրենից կանոնադրութիւն և գործունէութեան
նոր հրահանգ տալով նրա ձեռք:

9. Հերթեցեանը առանց իշխանութեան արտօնութեան,
ծածկում է կամիլաւկա:

10. Հերթեցեանը եկեղեցու համար գնում է և օծում է

խաչեր, պատկերներ ատանց ժողովրդի, ատանց իշխանութեան, ատանց որևէ հաշուետուութեան:

11. Հերթեցեանը իր իշխանութիւնը ճանաչել չուզելով իր գլխից վեր յարաբերութեան մէջ է մտնում Նահանգապետի և այլ պետական հաստատութեանց հետ:

12. Հերթեցեանը տաճարի բնմից սպառնալիքներ է շուայում իր ձխականներից շատերին, հրապարակապէս զրկելով մէկին հաղորդուելու, միւսին՝ թաղելու, մի ուրիշին մի այլ հոգևոր միութեամբ իւնից:

13. Քննութիւնը պարզեց և պարզում է դեռ, որ Հերթեցեանի էջմիածին զրկել տուած հեռագրների և թղթերի տակ եղած ստորագրութիւնների շատերը կեղծ են, «подложь» շատերը մի տան մի քանի անդամների անուններն են կրում և այլն:

14. Հերթեցեանը կատարել է և մի շարք ծանր յանցանքներ, որոնք քննական գործի մէջը կան ու շարունակում են քննուիլ, բայց խղճում ենք, այդ գլուխը կորցրած քահանային որ չենք դնում այստեղ:

15. Սուտ է թէ Սրբազան Առաջնորդը ատանց վեհափառ Կաթողիկոսի հաճութեան նահանգապետի միջոցով քշել է տուել նրան էջմիածին: Վեհի Դիւանապետը հերքեց այդ սուտը: Նրան վեհաբանից հրամայուած էր գնալ էջմիածին, բայց չէր գնում: Հայրապետի հեռագրով դադարեցուած էր քահանայապետը: Բայց շարունակում էր իր պաշտօնը:

16. Սուտ է թէ երկրորդ անգամ Ս. Առաջնորդը Նահանգապետով է քշել նրան Թէոդոսիայից: Ծղմարութիւն այս է՝ Թէոդոսիոյ Գեներալ-Նահանգապետը դիմում է արել Վեհին Ներսէսի Նահանգապետի միջոցով և պահանջել է, որ Հերթեցեանին, որին մօտ խոստովանելու և հաղորդուելու չի կարող զրկել հայ զինուորներին, հեռացնեն, այլապէս ինքը կ'քշի: Այս թղթի պատճէնը Գեներալ-Նահանգապետը զրկել է Ս. Առաջնորդին տեղեկութեան և ակնկցութեան համար: Միւս կողմից էլ Սինօղը դիմել է Առաջնորդին որ Հերթեցեանին հեռացնէ իսկոյն Թէոդոսիայից, Սրբազանը հեռագրել է Հերթեցեանին հեռանալ և իր կարգադրութեան մասին միայն տեղեկացրել է Նահանգապետին, որ սա ինքը գիտենայ և իր կողմից կարգադրութիւն չանի:

17. Սուտ է թէ Հերթեցեանն անմեղ է, քանի որ նա էջմիածնից հեռագրով շնորհայ է գոչել Սրբազան Առաջնորդին իր անլուր շարիքների համար:

18. Սհւտ է թէ՛ Թէոդոսիոյ ժողովուրդը, ի բաց առեալ մի քանի հոգուց, ուզում են Հերթեցեան քահանային, ահա ժողովրդի բազմաստորագիր հեռագրներից մի կտորը, որ ուղարկուած է եղել Սինոդ Զատիկից առաջ, երբ Սինոդը խաբուելով Հերթեցեանի ֆօքլաններից նրան վերադարձրաւ Զատիկին Թէոդոսիա: Այս տարի մեզ համար Գրիստոսը յարութիւն չի առնելու, այս տարի մեզ համար Զատիկ չկայ, էջմիածինը Զատիկական տօնին վճիռ արաւ աւագակ Բարրաբային արձակել մեզ և ժողովրդին խաչ հանել... Եւ յիշուի թէ և Զատիկին Հերթեցեանը Թէոդոսիայում պատարագ արաւ, բայց ժողովրդի երեք քարորդը ոչ ժամ է գնացել, ոչ հաղորդուել և ոչ տնօրինէք ընդունել կարծեցեալ ժողովրդասէր քահանային:

Այսքանը բաւական է առ այժմ իբրև հերքումն Հերթեցեանի և իւր հոմանիշ պարոնների զրպարտութեան: Եթէ նոքա կ'շարունակեն իրենց բանասարկութիւնները, Կոնստանդինոպոլսէն ստիպուած կլինի գործերից կազմել և հրատարակել մի գրքոյկ Հերթեցեանի հաղորդի? արժանիքների մասին, ինչ որ պիտի չցանկանայ Հերթեցեանը եթէ խոհեմ լինի:

Ինչ վերաբերում է Բաստամեան պարոնին անպատկառ ոճին, ասելիք չունինք, «Ոճն ինքը մարդն է» ասում է Ֆրանսիական առածը:

Նախանգամ վիճակային Կոնստանդնուպոլսի Հայոց

Նոր Նախիջևանի և Բեսարաբիոյ Բննիկ Վարդապետ

Անդամք } Բարսեղ ա. քահ. Խազանճեանց
 } Սարգիս քահ. Թաթևեցեանց

Ատենադպիր՝ Կ. Յովնանջանեանց

30 Մայիսի 1906 թ.

Քիշնև:

Յ. Գ. Խնդրում ենք արդոյ խմբագրութեանդ՝ յանուն ճշմարտութեան տպագրել մեր այս նամակը Ձեր թերթի մօտիկ համարներից մէկում:

Յոյնը:

II

Թիֆլիս 10 յունիս

Յարգոյ խմբագիր

Երբ որ միտք յղացուեց հրատարակել «Շարք պատմագրաց Հայոց» ընդարձակ գործը՝ առաջին արձագանք տուողն

այդ համակրելի գործի հրատարակութեան եղաւ Գեր. Սուքիաս արքեպս. Պարզեանը, որ անմիջապէս իւր սեպհականութիւնից՝ 6000 ռուբլի նուիրեց այդ գործի առաջին հատորի տպագրութեան համար և փոխադրեց Թիֆլիս հրատարակչներէից մէկի՝ պ. Ս. Մալխասեանցի անունով:

Որքան մեզ յայտնի է, սրբազանը մի քանի պայմաններ էր դրել հրատարակչներին. նախ՝ որ ամբողջ գործի տպագրութիւնը պէտք է համարուէր՝ էջմիածնի հրատարակութիւն՝ բազմաթիւ պատճառներով և երկրորդ, որ ա. հատորի վաճառութիւնը գոյացած ծախքով երկրորդը տպուէր և այսպէս շարունակաբար մինչև վերջ:

Այդ գործի հրատարակութիւնը սկսուել է 4-5 տարի առաջ և, ինչպէս տեսնուլ ենք մեր ձեռքը գտնուած տպագրուած մի գրքոյկից, մինչև այժմ տպուել է միայն առաջին հատորի՝ չորրորդ գիրքը, որի վերայ ոչ գրուած է թէ էջմիածնի հրատարակութիւն է և ոչ էլ թէ՝ Սուքիաս արքեպիսկոպոսի ծախքով է տպոււի:

Բացի սորանից՝ առաջին ամբողջ հատորը կարծեօք տրուած պէտք է լինէր հայոց տառերի գիւտի յօքեղինին, որպիսի զանցառութիւնները անշուշտ մեծ ցաւ պիտի լինի սրբ. նուիրատուի սրտին:

Արդ՝ հարցնուլ ենք՝ ի՞նչ իրաւունքով կամայական գործածութիւն է տուած օտարի սեպհականութեան, ի՞նչ իրաւունք է զլանալ էջմիածնի միաբանի հրատարակութեան վերայ դնել էջմիածնի հրատարակութիւն բառերը, ի՞նչ իրաւունք զլանալ նոյն իսկ յիշել վրէն՝ թէ տպոււի է Սուքիաս արքեպիսկոպոս Պարզեանի ծախքով և ի՞նչ իրաւունքով՝ 4-5 տարուի տպուլ են միայն առաջին հատորի 4 թէ 8 (հաստատ չգիտենք) գրքերից միմիայն մի գիրքը. այդպէս շարունակելով՝ ամբողջ ա. հատորը պիտի վերջանալ մօտ 20 տարուլ, իսկ երկրորդ հատորները միասին մօտ 100 տարուլ: Այս ի՞նչ բարեխղճութիւն է:

Վ. Ա.